

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
DOM NARODA**

**Zajednička komisija za odbranu i sigurnost BiH
Zajedničko povjerenstvo za odbranu i sigurnost BiH**



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
ДОМ НАРОДА**

Заједничка комисија за одбрану и безбједност БиХ

Број/Број: 03/1-50-1-9-11 с/07
Сарајево/Sarajevo, 27. 11. 2007.

- Članovima Zajedničkog povjerenstva za odbranu i sigurnost BiH

PREDMET: Informacija o posjeti članova Povjerenstva za odbranu i sigurnost Parlamenta Slovačke Republike, veza akt broj: 03/1-05-453 /07

U periodu od 18. do 20. studenog 2007. članovi Povjerenstva za odbranu i sigurnost Parlamenta Slovačke Republike, na poziv Zajedničkog povjerenstva za odbranu i sigurnost BiH, posjetili su Bosnu i Hercegovinu.

U sastavu slovačkog izaslanstva bili su Rudolf Pučik, predsjednik Komisije, Jan Kovarčík, zamjenik predsjedatelja, Emil Vestenický, Viliam Jasan, Vladimír Matejíčka, članovi Povjerenstva i Ludovit Fridrih, tajnik Povjerenstva.

S izaslanstvom su tokom posjete boravili zamjenik veleposlanika Marek Šafin, pukovnik Marko Pavel, vojni ataše Slovačke Republike u BiH i Dušan Zoler – Misija OSCE-a u BiH.

19. studenog održani su sastanci u Parlamentarnoj skupštini BiH.

Prvi sastanak održan je sa članovima Zajedničkog povjerenstva za odbranu i sigurnost BiH (u daljem tekstu: Zajedničko povjerenstvo).

Zajedničko povjerenstvo predstavljali su Šefik Džaferović, prvi zamjenik predsjedatelja, Jozo Križanović, član, Dragica Hinić-tajnik, Željko Grubešić-stručni savjetnik i Jovica Katić-stručni saradnik.

Tom prilikom Šefik Džaferović i Jozo Križanović informirali su goste o radu Zajedničkog povjerenstva. Nakon pozdravnih riječi i prezentacije rada, sa gostima iz Slovačke razgovarano je o reformi policije, ustavnim promjenama, reformi sektora obrane i sigurnosti, aktuelnoj političkoj situaciji u BiH, mjerama Visokog predstavnika kao i nizu drugih pitanja karakterističnih za region i BiH. Sastanak je protekao u izuzetno dobroj i prijateljskoj atmosferi i uz jasno izraženu želju gostiju da pomognu BiH-i na njenom reformskom putu.

Po okončanju ovog sastanka gosti su imali sastanak sa članovima Zajedničkog obavještajno-sigurnosnog povjerenstva za nadzor nad radom OBABiH, te sastanak sa Nikom Lozančićem, zamjenikom predsjedatelja Zastupničkog doma PSBiH.

Niko Lozančić pozdravio je goste iz Slovačke u ime Zastupničkog doma PSBiH. Upoznao ih je sa načinom rada oba doma PSBiH. Sa zadovoljstvom je konstatirao da su bilateralni odnosi dvije zemlje veoma dobri i da se u brojnim oblastima iz dana u dan unapređuju. Razmijenjena su

mišljenja o aktuelnoj političkoj situaciji u BiH, o reformi sektora obrane i sigurnosti, o mjerama Visokog predstavnika kao i o mogućnostima daljeg unapređenja međuparlamentarne suradnje.

Istog dana gosti su imali sastanke i u Uredu Visokog predstavnika i specijalnog predstavnika EU, u Ministarstvu obrane BiH, gdje su ih primili Marina Pendeš i načelnik Zajedničkog stožera OSBiH, general-pukovnik Sifet Podžić sa suradnicima, a potom i u Stožeru NATO-a za BiH .

20. studenog goste iz Slovačke Republike u Glavnom uredu u Butmiru primio je direktor Granične policije sa suradnicima, a potom su posjetili i Komandu EUFOR-a u Butmiru.

Zamjenik predsjedatelja
Zajedničkog povjerenstva
Šefik Džaferović